

էնգելսը: Ինչ վերաբերում է սոցիալ-գեմեկրատ գինվորականներին, ապա նրանք հանգես են եկել կազմակերպություններով և իրենց մարտական ելույթներով առանձին հոսանք ու թափ են հաղորդել Հայաստանի բանվորների ու սեռ-չուցիների գյուղացիների պայքարին:

Սովետական Հայաստանի պատմությունը լուսարանելուն դուգրեթաց, ինստիտուտի Սովետական հասարակության պատմության սեկտորի առաջ գրվում են լուրջ խնդիրներ, որոնց լուծման համար սեկտորն աշխատանքի իսկ ձևա-նախկին է մի շարք պրոբլեմների շուրջը մենագրություններ ստեղծելու և փաստական նյութերի ժողովածուներ հրատարակելու գործին: Այսպես, պատրաստվել և առաջիկայում հրատարակված են հանձնվելու Սովետական Հայաստանի բանվոր դասակարգի, ինստիտուտների, կուլտուրական սեռ-չուցիայի պատմության և այլ հարցերին նվիրված մենագրություններ: Այս մենագրությունները և Սովետական Հայաստանի առանձին գործարանների պատմության մասին մինչև այժմ հրատարակված և առաջիկայում հրատարակվելիք աշխատությունները մեծապես կնպաստեն Սովետական հասարակության պատմության սեկտորի առաջ ծառացած ղեկավարություններ հաղթահարելու գործին: Հիշենք, որ այս տեսակետից մեծ կլինի և ինստիտուտին կից Սովետական Միության Հայրենական Մեծ պատերազմի կարիներնի պատրաստած և պատրաստելիք ժողովածուների բնձնածագնությունը: Առաջիկա տարատարում «Մեցիսիստական քաղաքներ» ցերեխով լույս են տեսնելու Սովետական Հայաստանի քաղաքների պատմությանը նվիրված աշխատություններ: Ինստիտուտի նոր պատմության սեկտորը, քաղաքատարածքի աշխատանքին ձեռնարկելու հետ մեկտեղ, շարունակելու է Հայաստանում կապիտալիստական հարաբերությունների զարգացմանը, բանվոր դասակարգի ձևավորմանն ու զարգացմանը, ազգային-ազատագրական շարժումներին վերաբերող հարցերը, լուսարանելու և նոր մենագրություններ տալու աշխատանքը: Նախատեսվում է 1960—1962 թթ. Վրացական ՍՍԽ Գիտությունների ակադեմիա-

յի և Ազգային հանրային ՍՍԽ Գիտությունների ակադեմիայի Պատմության ինստիտուտների հետ միասին հրատարակել Անդրկովկասը Ռուսաստանի հետ միանալու պատմությունը նվիրված փաստաթղթերի ժողովածու 3 հատորով: Առաջիկա տարիներին հրատարակվելու է նաև հայ հասարակական մտքի, առանձնապես հայ պատմագիտական մտքի զարգացման պատմությունը լուսարանելու աշխատանքը:

Ինստիտուտի առաջնահերթ խնդիրներից է նաև հայ գյուղացիության պատմությունը լուսարանելու հարցը: Այս ուղղությամբ կատարվել են աշխատություններ, բայց հայ գյուղացիության պատմությունը, գյուղորգված աղյուսարային հարաբերությունների հետ, զեռ-շատ մոլ կողմեր ունի, որոնց լուսարանումը վաղուց պարծել է անհրաժեշտություն: Ինստիտուտի հին և միջին դարերի պատմության սեկտորը, ինչպես և մյուս սեկտորները, առաջիկա մի քանի տարիների ընթացքում կտան նոր մենագրություններ: հայ գյուղացիության պատմության այն շրջանների վերաբերյալ, որոնք տակավին չեն ուսումնասիրված կամ վերին են ուսումնասիրված: Սեկտորի աշխատանքի ընկնող գործը, որ արժեքավոր աշխատանք կլինի հայագիտության զանազանում, դա նրա կազմած «Հայ կանոնագրեր» ժողովածուն է: Այդ ժողովածուն, որ լույս կտանի առաջիկայում, ինչպես է իր տեսակի մեջ առաջինը և զգալի ոգնություն կլինի հայ իրավագիտության պատմությունը հեռագրատվելին:

ՍՍԽԿ և ժողովրդական գեմեկրատիայի երկրների պատմությունը սեկտորը, որ սեռահամա-մաս նոր է և համալրվում է Երևանապոլ կադ-րերով, մի շարք մենագրությունների հետ միա-մասնակ հրատարակելու է արժեքավոր փաս-տաթղթերի ժողովածուներ, որոնց կազմելու մեջ կներգրավվեն ոչ միայն ՍՍԽԿ-ի, այլև Լեհաս-տանի, Չեխոսլովակիայի, Բուլղարիայի, Հուն-գարիայի, Ալբանիայի, Գերմանական Գեմե-կրատական Ինստիտուտի աշխատանքների հիմնարկները:

Ա. Գ.

ՀԱՅԱՍՏԱՆԻ ՊԵՂՈՒՄՆԵՐԸ ՀԱՅԱՍՏԱՆՈՒՄ 1959 ԹՎԱԿԱՆԻՆ

Հայաստանը հին մշակույթի Երկիր է և վերին աստիճանի հարուստ հնագիտական հուշարձաններով: Հայաստանում կատարվող պեղումները բնականաբար նպատակ ունեն Երևան բերելու և ուսումնասիրելու մեր նախնիների տարբեր դարաշրջաններում ստեղծած նյութական մշակույթը:

Նախորդ տարիների նման 1959 թ. նույնպես պեղումները կատարվել են մի շարք հնավայրերում և նրանց արդյունքներին համառոտակի կանդակագրության հուշարձանների ժամանակագրական հաջորդականությամբ:

ՇԵՆԳԵԼԻԹԻ ՊԵՂՈՒՄՆԵՐԸ

(Կատարել է Հնագիտության և ազգագրության ինստիտուտի հնագիտական աշխատասրահի, պատմ. գիտ. քննաձու Ս. Մարգարյանի ղեկավարությամբ):

Շենգավիթի գտնվում է Երևան քաղաքի հարավ-արևմտյան ծայրին, Հրազդանի ձախ ափին: Դեռևս 1936—1938 թթ. հնագետ Ն. Բալբուրդյանը պեղումներ կատարելով այստեղ հայտնաբերել էր քարե դարից մետաղի օգտագործմանը անցման ժամանակաշրջանի կամ էնեոլիթյան բնակավայր, ընդ որում ու քառակուսի բնակարաններով, որոնց մեջ գտնվել էին հացահատիկների մնացորդներ, կավե բնորոշ անոթների բեկորներ, քարե գործիքներ և շատ այլ իրեր:

1958 թ. Շենգավիթի պեղումները վերսկզբից պատմական գիտությունների թեկնածու Ս. Սարգսյանի գլխավորությամբ և տեղում են մի քանի տարի:

1959 թ. պեղումների շնորհիվ բացվել են հնագույն այս բնակավայրի (3-րդ հազարամյակի մինչև 2-րդ հազարամյակի սկիզբը մ.թ.ա.) շրջապարսպի հարավային հատվածի մնացորդները՝ 30 մ երկարությամբ և 4 մ լայնությամբ: Բնակավայրում բացվել են հում աղյուսով շարված երեք բոլորակ շենքերի և նրանց շուրջը զստավորված անտաշ քարերով շարված

քառանկյունաձև քսան բնակարանների մնացորդները:

Բոլորակ սենյակներում գտնվել են թրծած կավից պատրաստված շրջանակաձև օջախներ, քարե կացիներ, աղորիքներ, սանդեր, կայծքարից պատրաստված մանգաղի կարիչ ներդիրներ, ոսկորե գործիքներ, դարու և ցորենի հատիկներ, մանր և խոշոր եղջերավոր անասունների ոսկորներ: Իրենց քանակով և բազմազանությամբ աչքի են ընկնում էնեոլիթի համար բնորոշ սև փայլով և երկրաչափական զարդերով կավե անոթների բեկորները:

1958—1959 թթ. պեղումներով պարզված է, որ Շենգավիթի էնեոլիթյան բնակավայրը ունի չորս հաջորդական շերտեր, վերին՝ չորրորդ շերտում հայտնաբերվել և պեղվել են դամբարաններ, որոնց մեջ գտնվել են կավե անոթներ: Հարուստ նյութեր պարունակող և բազմաշերտ այս բնակավայրի պեղումները մեծ նշանակություն ունեն էնեոլիթյան դարաշրջանի և նրա զարգացման էտապների ուսումնասիրության համար:

ԼԱՍՇԵՆԻ ՊԵՂՈՒՄՆԵՐԸ

(Կատարել է ՊԳԻ հնագիտական աշխատասրահի, պատմ. գիտ. քննաձու Շ. Սեդակյանի ղեկավարությամբ):

Նախորդ տարիների ընթացքում Լճաշենում պեղվել էին բրոնզեդարյան դամբարաններ և խոշոր դամբարանաբլուրներ, որոնց մեջ բացվել էին սալեր, ռազմակառույցներ, բրոնզե բարձրարվեստ առարկաներ, կավե, փայտե անոթներ, զանազան զարդեր: 1959 թ. պեղումների ժամանակ խոշոր դամբարանաբլուրներում բացվել են ալիքի վաղ ժամանակների՝

Երկրորդ հազարամյակի առաջին կեսի կավե սև փայլեցրած զարդարուն անոթներ, առանձին դեպքերում գունազարդ (կարմիր ֆոնի վրա սև գույնի երկրաչափական զարդերով) խեցեղենի հետ միասին: Դրանք վաղ բրոնզեդարյան ուշագրավ և ինքնատիպ անոթներ են և կարևոր են այդ ժամանակաշրջանի ուսումնասիրության համար:

ԱՐԻՆ-ԲԵՐԻԻ ՊԵՂՈՒՄՆԵՐԸ

(Կատարել է Հնագիտության և ազգագրության ինստիտուտի և Մոսկվայի Պուշկինի անվան կենդանական թանգարանի հնագիտական աշխատասրահի, Երևանի հնագիտական աշխատասրահի, քննաձու Կ. Հովհաննիսյանի ղեկավարությամբ):

Արին-բերդի տեղում Երևանի հարավ-արևելյան ծայրին գտնվել է ուրարտական էրեբունի ամրաց-քաղաքի, որից ծագում է մեր մայրաքաղաքի անունը: 1959 թ. արշավախումբը

շարունակելով իր աշխատանքները բացել է մի շարք շինությունների մնացորդներ՝ ամրոցի կամ միջնաբերդի կենտրոնական մասում և հարավային եզերքին: Արին-բերդում ևս, ինչպես

Կարմիր-բլուրում, բացվեց գինու մառան, որտեղ տեղադրված կարասներից մի քանիսի վրա սեպագրերով և հիերոգլիֆներով փորագրված է նրանց տարողությունը: Բացված շենքերում գտնվել են ուրարտական խեցեղենի բեկորներ և այլ իրեր:

Աշխատանքների առավել աչքի ընկնող արդյունքը եղավ բազմազույն ներկերով կատարված բարձրարվեստ որմնանկարների հայտնաբերումը՝ միջնաբերդի կենտրոնի մի սրահում:

Թեև որմնանկարները գտնվում են կործանված պատերի վրա, այնուամենայնիվ մի շարք պատկերներ համեմատաբար լավ են

պահպանվել: Ղրանք ուրարտական արվեստի համար բնորոշ պաշտամունքային տեսարաններ են, կենդանիների, զազանների պատկերներ և երկրաչափական զարդեր:

Միջնաբերդի պարսպի արևելյան հատվածը բացելու ժամանակ գտնվել է քարի վրա փորագրված մի սեպագիր արձանագրություն, որը կրկնակն է Արգիշտի I-ի թողած արձանագրության, որը գտնվել էր այստեղ 1893 թ.: Գտնվել են նաև ուրարտական երկու կնիքներ:

Ուրարտական էրեբունի քաղաքի պեղումները Երևան են բերում այս կենտրոնի վարչատնտեսական և մշակույթային նշանակությունը Ուրարտական պետության հյուսիսում:

ԿԱՐՄԻՐ-ԲԼՈՒՐԻ ՊԵՂՈՒՄՆԵՐԸ

(Կատարել է Հնագիտության և ազգագրության ինստիտուտի և ԱՆԻ ինգրադի ՊԵՂՈՒՄՆԵՐԸ ԷՐԴՄԻՏՈՒԹԻ ՄԻԱԳՅԱԼ ԱՐԶԱՎԱԽՈՒՄԵՐ, ՀԱՅԿԱԿԱՆ ՍՍՌ ԳԻՏՈՐՅՈՒՆՆԵՐԻ ՎԿԱՂԵՄԻԱՅԻ ԲՊՐԱԿԻԳ-ԱՆՂԱՄ Բ. ՊԻՌՈՐՈՎՍԿՈՎ ԿԵԼԱՎԱՐՈՐՅԱՄԸ):

Կարմիր-բլուրը գտնվում է Երևան մայրաքաղաքի հարավ-արևմտյան ծայրին: Հրազդանի ափին խոյացող ըլրի վրա կառուցված է Լոբել ուրարտական Թեյշեբայինի քաղաքի միջնաբերդը, որի առջև փռված է Լոբել քաղաքը: Երկար տարիների ընթացքում այստեղ կատարվող պեղումների խոշոր արդյունքները լայնորեն հայտնի են: 1959 թ. պեղումները շարունակվեցին միջնաբերդում և քաղաքային մի թաղամասում:

Միջնաբերդի հարավ-արևելյան մասում բացվեցին երկու ստվար մուկեր ունեցող մի սրահի, մի երկարով սրահի և մի քառանկյունի սրահի ավերակները: Դրանց մեջ հայտնաբերվեցին քարե աղորիքներ, ուրարտական խեցեղեն, կարասներ, հին կիսագնդաձև հաղորդակից անոթներից կազմված և բարձր հենակ ունեցող մի աման և լայն ճութավոր կոշիկի տեսք ունեցող երկու անոթ՝ մեկը փորագիր, մյուսը գունանկար զարդերով: Դրանք

ուրարտական արվեստի յուրօրինակ նմուշներ են: Մի սրահի ավերակներն էլ բացվել են միջնաբերդի հյուսիս-արևմտյան մասում: Բացված բոլոր սրահներն էլ նախկին տարիներում պեղված մի քանի տառապալակ մյուս սենյակների հետ միասին կազմում են մի հսկայական պալատական շենքի բաժանմունքները:

Պեղվեց նաև քաղաքի թաղամասերից մեկը, որտեղ բացվեցին ուրարտական բնակելի երկու մեծ սենյակներ, որոնցից մեկի տակ հայտնաբերվեց նախաուրարտական շերտ, որտեղ գտնվեցին հացահատիկների մնացորդներ, քարե կուռերի բեկորներ, խեցեղեն և մետաղի մնացորդներ պարունակող հալոցներ՝ կավից:

Կարմիր-բլուրի պեղումները խոշոր նշանակություն ունեն ուրարտական տնտեսության և մշակույթի, ինչպես և ուրարտական, տեղական և ուրիշ ցեղերի մշակույթային և այլ կապերի ուսումնասիրության համար:

ԳԱՌՆԻ ԱՄՐՈՑԻ ՊԵՂՈՒՄՆԵՐԸ

(Կատարել է Հնագիտության և ազգագրության ինստիտուտի արչավախումբը, պրոֆ. Բ. ԱՌԱՆԿՅԱՆԻ ՂԵԼԱՎԱՐՈՐՅԱՄԸ):

Գառնիի պեղումների արդյունքները նույնպես լայնորեն հայտնի են: 1959 թ. շարունակվեց ամրոցի պարսպի մաքրումը դրսից և ներսից: Հյուսիսային 2-րդ և 3-րդ աշտարակների

միջև ներսից հայտնաբերվեցին առաջին դարերի և ավելի հին՝ վաղ բրոնզեդարյան խեցեղենի բեկորներ:

Ավարտվեցին ամրոցի ներսում բացված

ղղյակային-պալատական շենքի ավերակների բացման աշխատանքները։ Արքայական բնակելի ալդ շենքի նկուղային հարկի մնացորդներն են պահպանվել։ Կենտրոնական առանցքով անցնող պատով շենքը բաժանված է երկու լեի և յուրաքանչյուր թևում եղել է 5-ական բաժանմունք։ Նկուղային հարկում գետնից բաժանմունքներ՝ հնձան, մառաններ, պահեստներ։ Սենյակներից մեկում հատակի տակ կառուցվել է ջրամբար-հոր՝ կրաշաղախն պատերով։

III դարի պատկանող այս նշանավոր քաղաքացիական շենքի կողքին գտնվում է խճանկար հատակով արքայական բաղնիքը, որը բացվել է 1953—1954 թթ. պեղումների ժամանակ։ 1959 թ. ավարտվեցին նաև բաղնիքի շրջապատի պեղումները։ Պարզվեց, որ

բաղնիքի հնոցի առջև եղել է անտաշ քարից և առանց շաղախի կառուցված մի փոքրիկ ցածրաշեն, որն ունեցել է II տառի ձևը։ Բաղնիքի կառուցումից քիչ հետո նրան կցվել է ես մի սենյակ, որը ծածկվել է իրրե հանդերձարան և պատի երկայնքով ունի նստարան։ Այս սենյակից դուռ է բացված դեպի նախկին հանդերձարանը՝ խճանկար հատակով սենյակը։

Ամրոցի կենտրոնական մասում ավարտվեց միջնադարյան (XIV—XV դդ.) մի հնձանի մնացորդների բացումը։ Հնձանը բաղկացած է երկու բաժանմունքից՝ բուն հնձանից և մառանից։ Առաջին բաժանմունքի մեջ փորված է մեկ գինու հոր, երկրորդի՝ մառանի մեջ՝ 3 հոր և հատակի տակ թաղված է մի կարաս։

Պեղումների ժամանակ գտնվել են մարմարե արձանների փոքր բեկորներ, երկաթե իրեր, խեցեղենի բեկորներ և այլ իրեր։

ԴՎԻՆԻ ՊԵՂՈՒՄՆԵՐԸ

(Կատարել է Պետական պատմական թանգարանի արշավախումբը, ՊՊԹ դիրեկտոր, պրոֆ. Կ. Կաֆաղարյանի ղեկավարությամբ)։

1959 թ. պեղումները կենտրոնացված են եղել բաղնիքի միջնաբերդում և հարավային թաղամասերից մեկում։

Միջնաբերդի հյուսիսային, արևմտյան և հարավային ծայրամասերում բացվել են միջնադարյան (IX—XIII դդ.) շենքերի մնացորդներ, որոնք նախորդ տարիներին բացված մեծ շինության բնակելի և տնտեսական բաժանմունքներն են կազմում, աղյուսապատ կամ կավակերտ պատերով և թրծած աղյուսից սալահատակով այս բաժանմունքներում բացվել են հոր-թարստոցներ, կարասներ և թոնիկներ, որոնց մեջ գտնվել են բազմաթիվ իրեր։

Շարունակվեցին պեղումները նաև միջնաբերդի երկրորդ, ավելի խորը ընկնող շերտում, որտեղ բացվեցին մարզպանական ժամանակներից մինչև 899 թ. երկրաշարժը գոյություն ունեցած աղյուսակերտ պալատական մեծ շենքի առանձին բաժանմունքների մնացորդները։ Պեղումների ժամանակ հայտնաբերվել են հասարակ և ճարակած խեցեղենի հնագույն օրինակներ, որոնք իրենց ձևերով, մշակումով ու զարդերով կարևոր տեղ են գրավում խեցեղենի պատմության մեջ։

Միջնաբերդի բլրի արևմտյան լանջին, որ նախորդ տարի բացվել էր ավելի հին (ուրարտական?) ժամանակների շերտ, որի մեջ գտնված կարասների վրա կան կենդանիների և ռեքի ուլեյի պատկերներ, որոնք տեսարաններ։ 1959 թ. բացվել են խեցեղենի թրծման մի հնոցի մնացորդներ՝ միջին փոքրիկ կավանդիկներ, 70×50 սմ մեծությամբ մի տախտակ՝ մարդկանց և թռչունների ոճավորված, ուլեյի գլուխներով (հավանաբար պաշտամունքային նշանակությամբ)։ Փաղարային թաղամասում բացված մեծ շինության մնացորդներից երևում է, որ սկզբնապես այն կառուցվել է V—VI դդ. սրբատաշ տուֆ քարով, ունեցել է խոշակներով սյուներ, շատագույն ալդ շենքը վերականգնվել է, վերածվելով հասարակական նշանակություն ունեցող մեծ շենքի՝ հավանաբար կարավանատան։ Շենքի պեղումները ավարտված չեն, հետագա պեղումներով կարելի կլինի պարզել նրա հատակագիծը և ինչ լինելը։

Պեղումների ժամանակ Դվինում հայտնաբերվել են զգալի թվով կավե և ալյանդներ, դրանց բեկորները և 100-ի չափ դրամներ։

ՎԻՄԱԳԻՐ ԱՐՁԱՆԱԿՐՈՒԹՅՈՒՆՆԵՐԻ ՀԱՎԱՔՈՒՄ

(Կատարում է Հնագիտության և ազգագրության ինստիտուտի արշավախումբը, պատմական գիտությունների բեկնածու Ս. Բաբուդարյանի ղեկավարությամբ):

Արշավախումբը շարունակեց հայերեն վիճակագրության արձանագրությունների հավաքումը Սևանա լճի արևելյան ափագետում, որտեղ կատարեց և հետախուզական պեղումներ՝ պարզելու Բասարգեշարի շրջանի Ակունք գյուղի մոտ գտնվող հնագույն մի հուշարձանի բնույթը: Երևան են եկել բլրի վրա կառուցված մի մեծ շենքի պատեր, երկաթի իրերի և խարամի մնացորդներ, խեցեղենի բեկորներ: Ենթադրվում է, թե այստեղ եղել է վաղ հայկական ժամանակաշրջանի դղյակ:

Վիճակագրական արշավախումբը այնուհետև իր աշխատանքները շարունակեց Հրազդանի շրջանում, որտեղ հավաքվեցին Կեչառույք վանքի և Բազմաթիվ այլ վայրերի մեծ թվով արձանագրություններ:

Հավաքված արձանագրությունները հրատարակվելու են առանձին գրքով, որը կազմվելու է հայ վիճակագրության զինանի հերթական պրակներից մեկը:

ԷՋՄԻԱԾՆԻ ՊԵՂՈՒՄՆԵՐԸ

(Կատարել է Արվեստի ինստիտուտի արշավախումբը, նախարարական պեկնածու Ա. Սանիսյանի ղեկավարությամբ):

Էջմիածնի մայր տաճարի վերանորոգման կապակցությամբ տաճարի ներսում պեղումներ կատարվել էին 1955—1956 թթ., որոնց շնորհիվ պարզվել էր, որ տաճարը, սկզբում բազիլիկ տիպի, կառուցվել է ղեռնա IV դարում, իսկ V դարում (և ոչ թե VII դարում) վերափոխվել է կենտրոնադարձ շինության, որի թև՝ ներսից, և թև՝ դրսից եղել է խաչաձև: Տաճարը ներսից զարդարված է եղել որմնանկարներով և խճանկարներով:

1959 թ. մայր տաճարի արևելյան խորանում՝ բեմի տակ բացվեց IV դարի կամ նախորդի ստանդարտ շրջանի շենքի խորանը, որի մեջ պահպանվում էր հեթանոսական թոն-

րածե կրակարան: Այս կրակարանի մեջ և նրա շուրջ գտնվեցին նույն հնագույն ժամանակի որմնանկարների բազմաթիվ բեկորներ: Բեմի շարվածքի ստորին մասում բացվեց ուրարտական ժամանակների համար բնորոշ մի քարակոթող (կրկարությունը՝ 3,10 մ, լայնքը՝ 0,73, հաստությունը՝ 0,53 մ), բայց առանց արձանագրության:

Էջմիածնի տաճարի ներսում կատարված պեղումները խոշոր նշանակություն ունեն հայկական վաղ ֆեոդալական ճարտարապետության և կառուցողական արվեստի կազմավորման մի շարք հարցերի ճշմարտացի լուսաբանության տեսակետից:

ՋՐՎԵՃԻ ՊԵՂՈՒՄՆԵՐԸ

(Կատարել է Հնագիտության և ազգագրության ինստիտուտի արշավախումբը, նախարարական պեկնածու Ն. Ա. Տոկարսկու ղեկավարությամբ):

1957 թ. Ջրվեժում կատարված պեղումների շնորհիվ բացվել էին VII դարի մի կենտրոնադարձ եկեղեցու և XIII դարի մատուռի մնացորդները: 1958—1959 թթ. հայտնաբերվեցին

V—VI դարերի ճարտարապետական հուշարձանների մնացորդներ՝ մի եկեղեցու հիմքերը, գետնափոր մի դամբարան, շինությունների և հնաախայ խաչի քանդակազարդ բեկորներ:

1960 թվականից սկսած, Հայաստանում կատարվելիք հիմնական հնագիտական-դաշտային աշխատանքները կենտրոնացվում են Հայկական ՍՍՌ ԳԱ Հնագիտության և ազգա-

գրության ինստիտուտում, որը կոչված է ապահովելու նրանց ավելի արդյունավետ ընթացքը և նյութերի գիտական մշակումն ու հրատարակությունը:

Ք. Մ.